

Ա. Ա. Բայրամյան

ԱԼԵԿՍԱՆԴՐԵՏԻ ՍԱՆՋԱՔԻ ԻՐԱՎԱԿԱՆ ՍՏԱՏՈՒՍԸ
ԵՎ ՔԱՂԱՔԱԿԱՆ ԽՄԲԱՎՈՐՈՒՄՆԵՐԸ
(1920—1930-ԱԿԱՆ ԹՎԱԿԱՆՆԵՐ)

Ալեքսանդրետի Սանջաքը՝ մինչև 1939 թ. հուլիսի հանդիսանում էր հյուսիսային Սիրիայի մի շրջանը. այն զբաղեցնում էր 4.805 քառ. կմ տարածություն և ուներ 240.000 բնակչություն։ Ինչպես ամբողջ Սիրիան, Ալեքսանդրետի շրջանն էլ մնաց օսմանյան տիրապետության տակ մինչև 1918 թ. հոկտեմբերի 30-ը, Լորր Մուդրոսի զինադադարի պայմանագրով այն անցավ Ֆրանսիային։ Ձեռնարկելով գրավված տերիտորիաների վարչական կազմակերպումը, ֆրանսիական ռազմական իշխանությունները 1918 թ. նոյեմբերին ստեղծեցին «Ալեքսանդրետի Ավտոնոմ Սանջաք»², վարչական նոր միավորի մեջ ընդգրկելով Հալեպի նահանգի Ալեքսանդրետի, Պնտիոքի, Բեյլանի և Հարիմի կազանները (գավառները)։

Այսպիսի գավառում սանջաքի ստեղծման անհրաժեշտությունը չէր թելադրվում ո՛չ տրանս-աշխարհագրական գործոններով, ո՛չ էլ շրջանի ազգաբնակչության շահերով կամ ցանկություններով։ Այն ստեղծվեց ֆրանսիական իմպերիալիստների կողմից Divide ut imperes (բաժանի՛ր, որ տիրես) սկզբունքից ելնելով այդ խոստովանում է ֆրանսիական գեներալ Կատրուն³։

Քաղաքական այս ակտը հանդիսանում է առաջինը այն քայլերից, որ Ֆրանսիան կատարեց հասնելու համար իր հեռավոր նպատակին՝ հարատև դարձնել իր տիրապետությունը Սիրիայում։ Ֆրանսիական իմպերիալիզմի պատգամախոսները Սիրիայի մասնատման այս և հետագա քայլերը միշտ փորձել են ներկայացնել որպես «ազգային փոքրամասնությունների կրոնա-մշակութային ազատությունների պահպանման նկատմամբ իրենց տրադիցիոն հոգատարության» արտահայտությունը⁴։ Բայց արդյո՞ք Սանջաքում այդպիսի «հոգատարության» անհրաժեշտություն էր զգացվում։ Ի՞նչ բանի էին ձգտում Սանջաքի քաղաքական խմբավորումները և ազգաբնակչության տարբեր խավերը։ Ահա այս հարցերի լուսաբանմանն է նվիրված առկա հոգվածը։

1920 թ. ապրիլի 25-ին Սան-Ռեմոյի կոնֆերանսում Սիրիայի և Լիբանանի մանդատը հանձնվեց Ֆրանսիային։ 1920 թ. սեպտեմբերի 1-ին Սիրիա-Լիբանանում Ֆրանսիայի Բարձր կոմիսարը հաստատեց 1918 թ. նոյեմբերի 27-ին ռազմական իշխանությունների կողմից «Ալեքսանդրետի Ավտոնոմ Սանջաքի» ստեղծման ակտը։ 1921 թ. մարտի 9-ին լոնդոնում ստորագրված ֆրանս-թուրքական անջատ պայմանագրով, թուրքերի պահանջով (Lettre I), «ստեղծվում է վարչական հատուկ ոեժիմ Ալեքսանդրետի շրջանի համար, որտեղ բազմազգ ազգաբնակչություն գոյություն ունի»։ «Հատուկ ոեժիմը» ուժի մեջ մտավ Բարձր կոմիսարի 1921 թ. օգոստոսի 8-ի հրամանագրով։ Նույն տարվա հոկտեմբերի 20-ի Անկարայի ֆրանս-թուրքական պայմանագրում Սանջաքի մասին ասվում է. «Հատուկ վարչական ոեժիմ կհաստատվի Ալեքսանդրետի շրջանում։ Սյս շրջանի թուրք ցեղին պատկանող բնակիչները իրենց ժողովրդի զարգացման համար կօգտվեն րուրդ գյուրություններից, Թուրքերեն լեզուն այնտեղ կունենա պաշտոնական բնույթ (հոգված ?)»⁵։ Կից նամակներով պահանջվում էր թուրքական

¹ «Սանջաքը» օսմանյան վարչա-տերիտորիալ ռաժանումն էր։

² «Asie Française», № 13, Paris, 1930, p. 17.

³ St.-C. Catroux, general—«Deux Missions en Moyen-Orient», Paris, 1956, p. 27.

⁴ Morgan Jones, J. «La Fin du Mandat français en Syrie et au Liban», Paris, 1938, p. 120.

⁵ Recueil des Actes Diplomatiques en vigueur dans les Etats du Levant sous Mandat français, Beyrouth, 1935, p. 195.

զպրոցներ բացել և թուրք պաշտոնատարները աշանակել Սանջաքի մեծամասնությունում քուրդ ցեղիս պատկանող բնակիչներին՝ ունեցող գավառներում:

Քաղաքական և դիվանագիտական վերահիշյալ սկստերով ֆրանսիական մանդատային իշխանությունները, հակառակ իրենց բուրժուա-դեմոկրատական և աշխարհիկ սկզբունքներին, Սանջաքում (ինչպես և Սիրիայում) պահպանեցին և խորացրին օսմանյան տիրապետությունից ժառանգ մնացած՝ ֆեոդալական ազգային-դավանական համայնքների՝ «միլլեթ-ների» իրավական ստատուսը: Այսպես, Սանջաքի արաբական մեծամասնությունը բաժանվեց արաբ-ալավի, արաբ-սուննի, արաբ-հույն ուղղափառ, հույն-կաթոլիկ, մարոնի, ասորի, քաղղեացի, բողոքական և այլ համայնքներ: Իսկ բնակչության փոքրամասնությունը (շուրջ 20%-ը) կազմող թուրքերին միացնելով թուրքմենների, թրքացած կամ թրքախոս ուրիշ էլեմենտների հետ՝ ստեղծվեց, «թուրք ցեղին պատկանող բնակիչների» կամ «թուրքերի» միասնական «համայնք» որին տրվեց իրավական ինքնուրույն և առանձնաշնորհյալ ստատուս: Հայերին բաժանեցին «այ-գրիգորյան (լուսավորչական), հայ-կաթոլիկ, հայ-լատին, հայ-բողոքական համայնքների»։ Ընդ որում, բացի լուսավորչականներից, մնացած «համայնքները» պաշտոնական վիճակագրական տվյալներում հայ շխին հաշվվում և շխին մտցվում հայերի թվի մեջ: Այս ձևով արաբների և հայերի իսկական թվերի տարբերության և ձևական նվազեցումով «թուրք ցեղին» պատկանող բնակիչների նորաստեղծ «համայնքը» դարձնում էին Սանջաքի ամենախոշոր միավորը փոքրամասնությունը: Դա որպես «օրինական հիմք» պետք է ծառայեր Սիրիայի անբաժան այս մարզին՝ Սանջաքին պարտագրելու միայն թուրքերին նպաստավոր այն «հատուկ ռեժիմը», որը ոտնակոխ էր անում Սանջաքի արաբ և հայ բնակիչների հավասարության իրավունքները և խոչընդոտում Սիրիայի միասնականությունն ու անկախությանը:

Խտրական և անչափողական այս քաղաքականությունը արտահայտվում էր տարբեր միջոցներով: Այսպես, 1936 թ. մարդահամարի պաշտոնական տվյալներում՝ Սանջաքի 225.000 բնակչությունը բաժանվում էր ազգային-դավանական հետևյալ խմբերի.

թուրքեր	— 85.242 — բնակչության 38 ⁰ / ₁₀₀ -ը
ալավի-արաբներ	— 62.026 — բնակչության 27 ⁰ / ₁₀₀ -ը
սուննի-արաբներ	— 22.161 — բնակչության 10 ⁰ / ₁₀₀ -ը
հայեր	— 28.857 — բնակչության 13 ⁰ / ₁₀₀ -ը
հույն ուղղափառ և այլ քրիստոն.	— 21.474 — բնակչության 9,5 ⁰ / ₁₀₀ -ը
քրդեր	— 1.891
չեթեններ	— 954 — բնակչության 2,5 ⁰ / ₁₀₀ -ը

Ինչպես երևում է, «թուրքերի» համայնքը ներկայացվում էր որպես Սանջաքի ազգաբնակչության համեմատաբար ամենախոշոր խումբը և այդ կատարվում էր արաբական մեծամասնության քաղաքական դերն ու կշիռը նվազեցնելու համար, որի ազգային կուռ միասնություն լինելը անուղղակի կերպով ընդունում են նաև մանդատային իշխանությունները. «Սանջաքի բնակչության մեծամասնությունը, շուրջ 108.000, արաբախոս է: Դրանի ազգաբնակչությունը, 1936 թ. բոլոր լեզվական խմբերի ներկայացնում էր հետևյալ պատկերը:

Արաբախոսներ — բնակչության 47, 07⁰/₁₀₀, թրքախոսներ 37,00⁰/₁₀₀, հայախոսներ 13,37⁰/₁₀₀, ուրիշ լեզուներով խոսողներ 2,66⁰/₁₀₀-ը:

Սանջաքի «թուրք համայնքը» կազմված էր փաստորեն բուն (օսմանյի) թուրքերից, թուրքմեններից և թրքացած կամ թրքախոս արաբներից ու այլ ազգության մարդկանցից: Թուրքմենները հանդիսանում են այդ «համայնքի» մի զգալի մասը, շուրջ 25⁰/₁₀₀ (մոտ 20.000 մարդ): Նրանք ապրում են Ամուքի հարթավայրի արևելյան մասում մինչև Կարա-Սուի հովիտը և Ամանոսյան լեռներում՝ մինչև Հաշիլեր (և սահմանից հյուսիս), ինչպես նաև Քեսապից հարավ:

⁶ Ընդգծումը մերն է: Այս ձևակերպումը, ֆրանսերեն՝ «Habitants de race turque» տուաջին անգամ գործածվել է Անկարայի համաձայնագրում:

⁷ Sélun «Asie Française», Decembre 1936, Paris, նաև A. A. A., Le Conflit d'Alexandrette et la Société des Nations, Damas, 1949, p. 5.

⁸ Morgan J. J., op. cit. p. 112.

⁹ Sélun A. A. A., op. cit. p. 5.

Բայրը-Բուլաք գավառակում¹⁰, Սանջաքի թուրքմենները խոսում են աչթև օսմանյան թուրքերին, այլ թուրքմեններին՝ Նրանք ունեն շրջանի թուրքերից տարրեր կացութաձև, կենցաղ ու բարքեր, տարրեր տարազ ու դավանանք (մեծ մասամբ չիթթ են), Այգ մասին կան բնիկ սանջաքցիներ¹¹ և օտար հեղինակների վկայությունները՝ «Որոշ թվով թուրքական (թուրքմեն) գյուղեր, մասամբ ցեղախմբային կազմակերպությամբ (կացութաձևով) կային Սիրիայի հյուսիսային սահմանամերձ շրջաններում...»¹², Զրանսիացի հեղինակ Ժաքոն գրում է. «Պետք է նշել, որ Ամանոսի և Տավրոսի թուրքմենները (թուրքմեններ) շփվելով հայերի և քրդերի հետ կրել են էթնիկական խորը ալլափոխումներ»¹³: Ֆրանսիացի հեղինակ Պոլ դյու-Վեռն, Սանջաքի թուրք ցեղին պատկանող բնակիչներին մասին խոսելիս միշտ գործ է ածում «թուրքախոսներ» (Turcophones) տերմինը¹⁴, Արդարև, այդ «թուրքախոսներին» մեջ կան զգալի թվով արաբներ, շերքեզներ, թուրքմեններ, քրդեր, Մուս 20.000 թուրքմեններ, քրդեր Սանջաքում խոսում են թուրքերեն¹⁵, Սանջաքի «թուրք համայնքին» ոչ-միատարր լինելու մասին խոսում են նաև սիրիական պաշտոնական աղբյուրները, Այսպես, եթե մանդատային իշխանությունները գտնում էին, որ Սանջաքի ազգաբնակչության 38% -ը թուրքեր են, ապա Սիրիայի ներքին գործերի մինիստրության վիճակագրական տվյալներով Սանջաքի բնակչության միայն 23% -ն են կազմում թուրքերը¹⁶, Սիրիայի ինֆորմացիայի գլխավոր վարչության պաշտոնական բյուլետենում կարդում ենք. «1936 թ. Ալեքսանդրեոսի պարբերական բարձրագույն այն պատրվակով, որ այնտեղ կա թուրքերի և թուրքմենների փոքրամասնություն, արաբական մեծամասնության կողմին»¹⁷:

Անդրադառնալով Սանջաքի հայ ազգաբնակչության իսկական թվին, պետք է ասենք, որ այն դժգոյ չափով բարձր է պաշտոնական տվյալներից՝ մոտ 29.000-ից: Արդարև դեռ 1909 թ. Սանջաքի տեղիտորիայում ապրում էին մոտ 26.000 հայեր (Պոլսո պատրիարքատանի տվյալներով)¹⁸, 1915 թ. միայն Մուսա-լեռան հայ գյուղերում եղել է 6311 հայ¹⁹, Քեսապի շրջանում՝ 8000—10.000²⁰, 1921 թ. հետո 10—12.000 հայեր հաստատվեցին Սանջաքում, 1937 թ. Ալեքսանդրեոսում կար 8227 հայ, Կրեկ-Նանում՝ 4388 և Ռիհանիե ու շրջակա Հայաշեն, Վարդաշեն, Սողու-Սու գյուղերում՝ 3000-ից ավելի հայ²¹, Նույն ժամանակաշրջանում Բեյլանում ու շրջակա գյուղերում կար 4000, Քեսապի շրջանում՝ 7000, Անտիոքում՝ 1000, իսկ Մուսա-լեռան գյուղերում շուրջ 10.000 հայ: Այս թվերի մեջ չեն մտնում մոտ 5000 հայ կաթոլիկներն ու բողոքականները, նշված թվերը հաստատվում են Անտիոքի (Սանջաքի) թեմի այդ տարիների հայոց առաջնորդ՝ Խազ Արք. Աղապահյանի կողմից, որն ասում է. «Սանջաքի մեջ այդ տարիներուն կային 35.000-են ավելի Հայ Առաքելական Եկեղեցվո գումարներ կային նաև 5—6 հազար կաթոլիկ և բողոքական հայեր»²²:

¹⁰ V é o u, P. du, Les Chrétiens en Peril au Moussa-Dagh, Paris, 1939, p. 146.

¹¹ Տե՛ս ՀՄՄԻ ԳԱ արևելագիտության սեկտորի արխիվ, գործ 1, 2, 3:

¹² Longrigg S. H., Syria and Lebanon Under French Mandate, London, 1958, p. 7.

¹³ Jacquot, Paul, Antioche. Tome I. Beyrouth, 1931, p. 31.

¹⁴ Տե՛ս V é o u, P. du, Le Désastre d'Alexandrette, Paris, 1938, p. 42, 48, 64, 74.

¹⁵ St. Point, V de, La Verité sur la Syrie, Paris, 1929, p. 154.

¹⁶ Տե՛ս Օրմանյան Մ. Արք., Հայ եկեղեցին և իր պատմությունը, Կ. Պոլիս, 1911.

منشور رقم ١٩٣٧ لجنة الدفاع اسكندرونة دمشق

¹⁷ R. A. U. Direction Generale de l'Information, Damas, 1959—60, p. 174. (Histoire, Faits...).

¹⁸ Տե՛ս Օրմանյան Մ. Արք., Հայ եկեղեցին և իր պատմությունը, Կ. Պոլիս, 1911, էջ 264, № 60, Անտիոքի թեմում՝ 15.000 հայ, Հայեպի թեմի Ալեքսանդրեոս և Բեյլան կազաններում՝ 11 000 հայ:

¹⁹ Ս ա յ բ ի Տ ք թ., Այսպենք, Կյապենք, Կահիրե, 1920, էջ 18:

²⁰ Թ ե մ ի ղ յ ա ն Ա., Քեսապ, Պեյրուս, 1936 թ., էջ 30: Նաև V é o u, P., Chrétiens op. cit. p. 84.

²¹ V é o u, P. du, Chrétiens, op. cit. p. 121, 133 Jacquot, P., op. cit. p. 162.

²² Տե՛ս Սեկտորի արխիվ, գործ 4:

Այսպիսով, փաստորեն 1937 թ. Սանջարում ապրում էին շուրջ 43.000 հայեր, որոնց 70%-ը շրջանի նախարանիկներից են. Սանջարի հայերի ճնշող մեծամասնության բնիկ լինելու մասին վկայում են նաև Սանջարի տերիտորիայում գտնվող տասնյակներով հնադարյան պատմական հուշարձանները՝ վանքեր, եկեղեցիներ, սմբոցներ, Այգ մասին են վկայում վերջին ժամանակաշրջանում արդեն ոչ-հայաբնակ վայրերի հայկական տեղանունները, Այսպես, էրմենիկ, Կիրակոսի (Քուսեյր գավառում), Պետրիս (Պետրոսի), Ֆենք (վանք), Ռֆաիլ-Ռաֆայել (Քեսապի գավառի թրքական գյուղեր), Միասուն, Խաչատուրներ (Սուեյդիի ալավի գյուղեր), շհաշված Պաղրաս (Կիլիկյան ամրոց, այժմ Թուրքմեն գյուղ), Արամո, Աթիկ և այլն²³։ Մեր թեզը հիմնավորող անառարկելի փաստ է վերջապես այն իրողությունը, որ Սանջարի բնիկ հայերը մինչև օրս էլ, լինեն Սիրիա-Լիբանանում թե Սովետական Հայաստանում, խոսում են իրենց բնիկ հայկական ինքնուրույն շուրս բարբառներով (Սվեդիո, Քեսապի, Բեյլանի, Արամոյի), որոնք հանդիսանում են կիլիկյան միջին հայերենի բարբառային ճյուղեր։ Այս մասին կան լեզվաբանական, բարբառագիտական լուրջ սշխատություններ²⁴։

Պետք է ասել, որ Սանջարի 1937 թ. 240.000 բնակչության շուրջ 50%-ը (115.000 հոգի) կազմում էին արաբները, թուրքերը՝ 23 % (55.000), հայերը՝ 18 % (43.000), թուրքմենները՝ 8 % (շուրջ 20.000), քրդեր, չերքեսներ և այլ ազգեր 3 % (7000)։

Սանջարում մանդատային իշխանությունները վարում էին Սիրիայի մասնատման և պրոթուրքական բացահայտ խտրականության քաղաքականություն՝ ի վնաս Սիրիայի ու շրջանի արաբական մեծամասնության։ Քաղաքական այդ գիծը դրսևորվում էր թե՛ պետական պաշտոնների բաշխման, թե՛ բյուջետային հատկացումների, թե՛ ուսումնա-մշակութային, քաղաքական կյանքի բոլոր բնագավառներում։ Արդարև, Սանջարի կառավարման տեղական օրգաններում ղեկավար պոստերը ճնշող մեծամասնությամբ գտնվում էին թուրքերի ձեռքում, Ֆրանսիացի հեղինակ Մ. Հոմեյն գրում է. «Մուհամմադայի (Սանջարի) թուրքերը ներկայացնում են բնակչության միայն 23 տոկոսը, բայց զբաղեցնում են պետական պաշտոնների 65 տոկոսը²⁵։ Արդարև Սանջարի մոթեսարիֆն (կառավարիչ) էր օսմանյան նախկին շինովնիկ, թուրք իրահիմ էդհեմ Մուսնը, մոթեսարիֆության ընդհանուր քարտուղարը՝ պուսեյի թուրք Ալանդ-դին բեկը, Անտիոքի և Կրեկ-Խանի կազանների կայմաքամներն²⁶ էին Քուսեյրիզադեն և Սըղկի բեկը, Երկուսն էլ թուրք։ Նահիբների մուգիրները²⁷, դատաւորները նույնպես մեծ մասամբ թուրքեր էին լինում։ Սանջարի վարչական խորհրդի 12 անդամներից 7-ը, պետական 6 վարչություններից 4-ի պետերը նույնպես միշտ, գրված կամ չգրված Կրեկում, լինում էին թուրքեր։ Ժանդարմերիայի և ոստիկանության անձնակազմի ճնշող մեծամասնությունը՝ 62% և 55%²⁸ նույնպես կազմված էր թուրքերից, արաբները՝ 28% և 31%²⁹։

Բյուջետային հատկացումներից նույնպես ավելի շատ օգտվում էին թուրքական էլեմենտները, Քաղաքապետությունների 3.176.000 ֆր. տարեկան բյուջեից 1.166.320 ֆր. (37%) 1936 թ. հատկացվել էր միայն Անտիոքի քաղաքապետությանը, որտեղ բնակչության 70% թուրքեր էին, իսկ Կրեկ-Խան, Ռիհանիե, Սուեյդի, Արսուզ, Բեյլան, Քեսապ, Բիթիաս, Սուուր-Օլուք և այլ (շուրջ 10) քաղաքների ու ամառանոցային ավանների քաղաքապետություններին՝ այդ բյուջեի միայն 31%-ը, չնայած որ այդ քաղաքների ու ավանների մեծամասնությամբ արաբ և հայ բնակչությունը Անտիոքի բնակչությունից մոտ 3 անգամ ավելի էր²⁹։

²³ Տե՛ս Խեմիդյան Ա., նշված աշխ., էջ 147։

²⁴ Հր. Աճառյան, Հայ բարբառագիտություն, Երևան, 1946, Ա. Վարիդյան, Հայերենի նորահայտ բարբառների մի նոր խումբ, Երևան, 1958, Ա. Փաշայան, Սվեդի-լարբառը (դիսերտացիա), Երևան, 1964 (հոգվածը տե՛ս «Տեղեկագրի» № 9-ում)։

²⁵ Homet, M., Syrie—Histoire Secrete du Traite Franco-Syrien, Paris, 1938 p. 243.

²⁶ «Կազան»-ն Սանջարի կազմի մեջ մտնող վարչական բաժանում է, որտեղ տեղական իշխանության պետն է «կայմաքամը»։

²⁷ «Նահիբ»-ն կաղայի կազմի մեջ մտնող վարչական բաժանում է, որտեղ իշխանության պետն է «մուգիրը»։

²⁸ Տե՛ս Jacquot, op. cit. p. 33.

²⁹ Տե՛ս .Rapport a la S. D. N. sur la situation en Syrie 1936, Paris, 1937 p. 111.

Ոչ-թուրք ազգություններին ի վնաս կիրառվող խտրականությունը ավելի բացահայտ էր հատկապես հանրային կրթության նպատակին բյուջետային հատկացումներում և ընդհանրապես ուսումնա-ձևակութային կյանքի բնագավառում, 1936 թ. հանրային կրթության 1.732.726 ֆր. գումարից³⁰ 1.030.396 ֆր. հատկացվել էր թրքական դպրոցներին, իսկ մնացած բոլոր դպրոցներին միայն՝ 729.300 ֆր.³¹, Սանչաքի 70 պետական դպրոցներից 35-ը թուրքական դպրոցներ էին, 28-ը՝ արաբական³² և 7-ը՝ հայկական դպրոցներ:

1936 թ. պետական դպրոցներում սովորել են 2923 թուրք, 2311 արաբ և միայն 475 հայ աշակերտներ³³, նթե աշակերտական տեղերի բաշխումը կատարվել էր իսկապես հավասար վերաբերմունքի ուժիմով համաձայն, ըստ բնակչության համամասնության տոկոսների, արաբներ՝ 48%, թուրքներ՝ 23%, հայեր՝ 18%, ապա 2923 թուրք աշակերտների դիմաց արաբ աշակերտներին պետք է հատկացվեր մոտ 6000 տեղ, հայերին՝ ոչ թե 475, այլ առնվազն 2000 տեղ, իհարկե, Սանչաքի հայերը իրենց սեփական միջոցներով էին լրացնում մանդատային իշխանությունների «հոգատարության» թողած բացը և պահում էին 32 ազգային վարժարաններ՝ 3064 աշակերտներով³⁴, Պետական, ազգային և օտար վարժարաններում սովորող հայ աշակերտների թիվը դերազանցում էր 4000-ից (1936 թ.), որը կազմում էր Սանչաքի բոլոր 12.120 սովորողների 33%-ը:

Ուսման ասպարեզում մանդատային իշխանության պրո-թուրքական խտրականության մասին են խոսում նաև ֆրանսիացի հեղինակները: Մ. Հոմեն գրում է. «Թուրքական (պետական) դպրոցները շատ ավելի բազմաթիվ էին արաբականներից և հատկապես Անտիոքում կային թուրքական 4 նախակրթարաններ, բացի տղաների և աղջիկների լիցենզիայից, արաբական 2 դպրոցի և 2 վեցամյա դասընթացի դիմաց³⁵, Դյու Վեռն հայտնում է, որ ամեն տարի սանչաքի 12 ուսանողի պետական կրթական թոշակ էր տրվում, որոնցից 8-ը լինում էր թուրք, 4-ը՝ արաբ, իսկ ոչ մի հայ թոշակառու ուսանող³⁶:

Նույն հեղինակը հայտնում է, որ ֆրանսիացիների թողտվությամբ 65 սանչաքի թուրք սովորում էր Թուրքիայի բուհերում, ընդ որում 13-ը զինվորական դպրոցներում³⁷. Անգլիացի հեղինակ Լոնգրիգեն³⁸ էլ հաստատում է այդ:

Սանչաքի բնակչության ճնշող մեծամասնությունը (80 տոկոսից ավելին)՝ ներառյալ նաև թուրքերի մեծամասնությունը, կողմնակից էր Սիրիայի հետ միասնությանը և շրջանի ազգային-դավանական տարբեր խմբերի եղբայրական համագործակցությանը³⁹, Սանչաքի ժողովրդական մասսաները այդ ցույց տվեցին գործով՝ 1936—1938 թթ. Սիրիայի անկախության համար պայքարով՝ Սանչաքի հարցի բարձրացման ժամանակ⁴⁰, Սակայն, հայտնի է, որ թուրք «երևելիները» (խոշոր կալվածատեր-առևտրականներ, պետական աստիճանավորներ) միշտ հակված էին պեպի Անկարայի կողմը: Առևտրա-ֆեոդալական վերնախավի ուրիշ ներկայացուցիչներ, նայած ռեժերի փոխհարաբերությանը, շարունակ երբեքում էին մանդատային իշխանության, Անկարայի կամ Սիրիայի շահերի ու քաղաքական կուրսի միջև:

Քաղաքական և ազգամիջյան փոխհարաբերությունները պարզ է, որ իրենց արտացոլումը պետք է գտնեին Սանչաքի քաղաքական խմբավորումների բնույթի և գործունեության մեջ: Ազգերի Լիգայի միջազգային հանձնաժողովը 1937 թ. Սանչաքում գտնում էր քաղաքական հետևյալ խմբավորումները⁴¹. Ազգային Գործունեության Լիգա, Ազգաբնական Բլոկ, Քեմալիստ-

³⁰ Տե՛ս Idem, p. 103.

³¹ Տե՛ս «Ալեքսանդրեանի Պաշտպ. կոմիտե», բրոշյուր № 1, Դամասկոս, 1937:

³² Նույն տեղում:

³³ Rapport à la S. D. N., 1936, p. 105.

³⁴ Idem.

³⁵ Hom et M., op. cit. p. 243.

³⁶ Veou, Désastre, op. cit. p. 35.

³⁷ Idem, p. 47.

³⁸ Longrigg, op. cit. p. 211.

³⁹ Veou, Désastre..., op. cit. 101—102.

⁴⁰ Տե՛ս Ազգերի Լիգայի ընդհանուր քարտուղարի հաղորդումը՝ «Documents of International Affairs—1937/1938», London, p. 514.

⁴¹ Տե՛ս Aita A., op. cit. p. 52—53. Նաև Veou, Désastre..., op. cit. p. 48—49

ձեռ (Հալիք-էվիներ), Սիրիայի կոմկուսի Սանջաքի կազմակերպություն, Սանջաքյան Սիու-թյուն և Հայկական Հնչակյան, ռամկավար-ազատական ու դաշնակցական կազմակերպու-թյուններ: Բացի թուրք շովինիստ էքստրեմիստներից, մնացած բոլոր խմբավորումները կողմնա-կից էին Սիրիայի հետ միասնությանը և ռազմարձակապես մերժում էին Սանջաքի առանձին անկախությունը, առավել ևս նրա նույնիսկ քողարկված միացումը Թուրքիային⁴²:

Ազգային Գործունեության Լիգան (Ասրաթ էլ-Ամալ Քաումի), պոստ-արաբական որինետա-ցիայով, խմբավորում էր Սանջաքի հիմնականում արաբ-ալավի և որոշ չափով արաբ-սուննի ու բրիտոնյա էլեմենտներին: Լիգան բավական մեծ ազդեցություն և ուժեղ կազմակերպություններ ուներ շրջանի արաբական խոշոր բնակավայրերում՝ ակումբներ՝ Անտիոք, Ալեքսանդրետ, Սուլեյմիյե քաղաքներում: 1930—1938 թթ. Սանջաքում Լիգայի ղեկավարն էր Զեքի էլ-Արսուզին՝ Սորբոնի չրջանավարտ: Լիգան Անտիոքում հրատարակում էր (1936—1938 թթ.) «Ալ-Ուրուբա» թերթը: Այն անվերապահորեն պաշտպանում էր Սիրիայի լիակատար անկախությունը, Սանջա-քի միասնությունը Սիրիայի հետ ու պայքարում դրա համար: Սակայն, դրսևորելով լուսն-սրաբիստական, շովինիստական մեծամտություն և այլամերժություն⁴³ ու որոշ պրովինցիալիզմ, Լիգան խուսափում էր քուլայիստների, կ-մունիստների և ուրիշ հայրենասիրական խմբավո-րումների հետ միասնական ճակատով պայքարից, վաճում էր այդ պայքարից քրիստոնյաներին ու հայերին, շնայած Լիգայի ղեկավարության մեջ կային, բացի մուսուլմաններից (Արսուզի, Զախխուր, Զարբա, Ֆաուզի), նաև քրիստոնյաներ (Նախլե Ուարդ, Նեդիմ Ուարդ, Օշետ Ադիբ) և մեկ հայ՝ Բժ. Գեղարդ Մաթոսյանը⁴⁴: Տազնապալի օրերին միայն, Սանջաքի գոյությանը սպառնացող թուրքական վտանգի ճնշման տակ, Լիգան հարկադրված՝ պայքարի միասնական ճակատի մեջ մտավ հայրենասիրական մյուս խմբավորումների հետ, հանուն արաբական Սան-ջաքի պաշտպանության⁴⁵: Լիգայի ազդեցությանն էր ենթակա «Հայրենիքի հետախույզներ» (Քեշշեֆ էլ-Ուաթան) երիտ-մարզական կազմակերպությունը, որի հակակոմունիստ ղեկավար Մուհամեդ Ալի էլ-Զարբան ավելի շուտ նեղ շովինիստական, քան հայրենասիրական դաստիա-րակություն էր տալիս արաբ երիտասարդությանը⁴⁶:

Ազգայնական Բլոկը (Քուլաթ էլ-Ուաթանիյե), որը աբտահայտում էր հիմնականում Սի-րիայի կալվածատիրական ու բուրժուական վերնախավի ձգտումները և 1930-ական թվականից սկսած գլխավորում էր ազգային-աղատագրական պայքարը Սիրիայում, Սան-ջաքում ուներ համեմատաբար թույլ ազդեցություն և փոքրաթիվ հետևորդներ, գլխավորաբար սուննի արաբներից⁴⁷: Քուլաթի թուլությունը Սանջաքում պետք է բացատրել Սանջաքի արա-բական քաղաքական կյանքում Ազգային Գործունեության Լիգայի գրաված իշխող դիրքով: Ար-դարև, Լիգան գործնականում արտահայտում էր շրջանի արաբ բնակչության ալավի-քրիստոն-յա մեծամասնության (80 տոկոսից ավելի) շահերն ու իդեները և հակառակ իր ասան-արաբիս-տական սկզբունքներին, հաճախ վարում էր նեղ պրովինցիալիստական քաղաքական գի-տեղի արաբների շահերը պաշտպանելու պատրվակով հակադրվելով Դամասկոսի կամ Հալեպի,

⁴² Idem, p. 49—50.

⁴³ Տե՛ս Զեքի-էլ-Արսուզի. *Մեղաբերես ալ-Քաումիյա...*, Դամասկոս, 1956:

زكي الأرسوزي—مشاركنا القومية و موقف الأحزاب السياسية منها—دمشق
سنة ١٩٥٦—١٢٧٥

⁴⁴ Տե՛ս Նախլե Ուարդ, Անթաքիե. *Սուն Պաուլո*, 1956:

نخلة و. د—مشاركنا القومية—سان باول سنة ١٩٥٦ ص ٣١٦ شكل ٢

⁴⁵ Տե՛ս Aita, A. op. cit, p. 53: Նաև «Ալ-Ուրուբա», Անտիոք:

«العروبة» جريدة — انطاكية — رقم سنة ١٩٣٧/١١/٢٩—٢٨—٢٧—٢٦—٢٥
سنة (٣٠/١/١٩٣٨—٢/٢/١٩٣٨)

⁴⁶ Տե՛ս Մուհամեդ Ա. էլ-Զարբա. *Խիյանեթ...*, Կահիրե, 1961:

محمد على الزرقعة خبائات الحرب الشيوعي السوري — القاهرة — سنة
١٩٦١

⁴⁷ Տե՛ս Aita, op. cit. p. 52—53, նաև Veou, Desastre, op. cit. p. 55—56.

իրը թե միայն սուննի-արաբների շահերը պաշտպանող քուլայիստ ղեկավարության համասիրական քաղաքական միջոցառումներին:

«Սանջաքյան Միություն» բլոկը կազմվեց 1937 թ., շրջանի հիմնականում ու-թուրք, տար. թեր համայնքների ներկայացուցիչներից: Այս բլոկը ընդունում էր Ազգերի Լիգայի Խորհրդի կողմից 1937 թ. մայիսի 27-ին հաստատված Սանջաքի նոր ստատուսով ստեղծված դրությունը⁴⁸, որը շրջանին տալիս էր ժողովրդական քաղաքական միավորի (Entite Distincte) յուրա-հատուկ գոյավիճակ Սիրիայի կազմի մեջ⁴⁹, 1937—38 թթ. հանրաքվե-ընտրությունների ժամանակ Սանջաքյան Միությունը և բոլոր արաբ, հայ ու թուրք խմբավորումները միասնական ճակատով հանգես եկան ընդդեմ թուրք էքստրեմիստների բլոկի, հանուն արաբական-սիրիական Սանջաքի պաշտպանության:

Սանջաքի հայերի շրջանում կային հնչակյան, ռամկավար-ազատական և դաշնակցական կուսակցությունների տեղական կազմակերպություններ:

Դեռ 1890 թ. սոցիալ-դեմոկրատ հնչակյան կուսակցության կազմակերպություններ էին ստեղծվել հնչակյան գործիչ Աղասիի նախաձեռնությամբ Մուսա-լեռան, Գեսապի, Անտիոքի ու Ալեքսանդրեոսի հայերի շրջանում⁵⁰: Հաջորդ տասնամյակներում առաջացան նաև դաշնակցական և ռամկավար կուսակցական կազմակերպություններ, որոնք 1921 թ. հետո ուրիշ տեղերից տեղափոխված հայերի նոր խմբերի կուսակցականներով համալրվելով, ծավալեցին ազգային-քաղաքական զգալի աշխատանք: Բացի մի քանի դաշնակցական ղեկավարներից ու «աղաներից», Սանջաքի հայ ազգաբնակչության մեծամասնությունը և հայ քաղաքական-հասարակական խմբավորումները Սանջաքում ընդհանրապես տարել են սիրիական հայրենիքի հետ միասնության, Սիրիայի անկախության պայքարին համակիր հակա-իմպերիալիստական քաղաքական գիծ: 1936 թ. Հալեպում ստեղծված «Սուրիահայ ժողովրդական ճակատը» կոմիտեներուն Սանջաքի բոլոր հայաբնակ վայրերում⁵¹, նույնպիսի հայրենասիրական գործունեություն էին կատարում նաև Սանջաքի «Հայաստանի Օգնության կոմիտեները» (204), Հայկական Բարեգործական Հնդհանուր Միության մասնաճյուղերը և նրանց ենթակա երիտասարդական մշակութային միությունները: Սանջաքի հայության քաղաքական ճիշտ դիրքավորման մասին են խոսում պատմական փաստերը, արաբական մամուլն ու քաղաքական գործիչները⁵² և օտար հեղինակները: Անգլիացի հեղինակ Լոնգրիգը գրում է. «Եվնելով հայ-թուրքական նախկին հարաբերություններից, հայ-արաբական համերաշխությունը Սանջաքում հաստատուն էր»⁵³:

Սանջաքի արաբ և հայ ամենապրոգրեսիվ երիտասարդությունը գտնվում էր հակաիմպերիալիստական ու անկախության պայքարի ավանգարդում՝ Սիրիայի կոմկուսի շարքերում: Դեռևս 1925—1926 թթ. մարքսիստական երիտասարդական խմբակներ էին ստեղծվել Մուսա-լեռան Յոդան-Օլուր գյուղում և Սլեքսանդրեոսում⁵⁴, 1928—1930 թթ. այդ խմբակները դառնում են կոմունիստական բռիչներ և կապ հաստատում Սիրիայի կոմպարտիայի կենտրոնի հետ: Շարժման մեջ ընդգրկվում են նաև արաբ բանվորներ ու աշխատավորներ: 1930 թ. կոմբռիչ է ստեղծվում նաև Անտիոքում: 1932 թ. սկսած ակտիվ պայքար է ծավալում Ալեքսանդրեոսի կազմակերպությունը: 1935—36 թթ. նոր թափ է ստանում կոմունիստների գործունեությունը Սանջաքում, Մուսա-լեռան հայկական գյուղերում շարժումը ղեկավարում են Հ. Տեր-Պետրոսյանը, Հ. Չեմենյանը, Ալեքսանդրեոսում՝ Ղ. Ռազվանը, Ա. Գի. Զ., Հովհ. Մաճառյանը, Հ. Մախյանը⁵⁵. Փ. Իսրաելյանը, կոմունիստների և Քուլայիստների համատեղ ջանքերով Սանջաքի

⁴⁸ Տե՛ս A l t a, op. cit. p. 53.

⁴⁹ Նոր Ստատուսի տեքստը տե՛ս Journal Officiel de la Societe des Nations, Geneve, 1937. Juin, p. 573—589.

⁵⁰ Տե՛ս Թեմիբյան Ա., նույն աշխ., էջ 39, 79, նաև, Աղասիի հուշերը, նույն տեղում, էջ 135—150.

⁵¹ Տե՛ս Սեկտորի արխիվ, գործ 5:

⁵² Տե՛ս «Ալիֆ-Բա՛», օրաթերթ, Դամասկոս, 11—5—1937, Դր. Շահբանդարի կարծիքը Սանջաքի հայերի մասին. 11/5/937 حجة بومية — دمشق
 նաև Echos de Syrie, Damas, 11—6—1938

⁵³ Longrigg, op. cit p. 239.

⁵⁴ Տե՛ս Սեկտորի արխիվ, գործ 1, 6:

⁵⁵ Հետազայում կոմկուսից հեռացված:

հայրենասեր մասսաները մասնակցում են Սիրիայի 1936 թ. հունվար-փետրվար ամիսների քաղաքական ընդհանուր գործադուլին։ Ֆրանսիայում հակաֆաշիստական ժողովրդական ճակատի հաղթանակի և ֆրանս-սիրիական դաշնագրի ստորագրման հետևանքով երկրում ստեղծված դեմոկրատական որոշ ազատություններից օգտվելով, կոմկուսակցությունը անցնում է բացահայտ և մասսայական գործունեության, Գոյություն ունեցող համաքաղաքայինների հիման վրա, կոմունիստների օժանդակությամբ, առաջանում են Ալեքսանդրետի նավահանգստային, փայտամշակման բանվորների և ձկնորսների արհմիություններ, որոնք կազմակերպում են մի շարք հաղթական գործադուլներ ու խիզախ ելույթներ 1936 թ. գարնան-ամռան ամիսներին⁵⁶։ Հուլիսին կազմակերպվում է խաղաղ ժողովրդական ցույց հացի գների բարձրացման դեմ, որը պսակվում է հաղթանակով, 1937—1938 թթ. Սանչաբի հարցի և հանրաքվե-ընտրությունների կամպանիայի ժամանակ Սանչաբի կոմունիստական կազմակերպությունները եռանդուն պայքար են տանում արաբական Սանչաբի պաշտպանության համար, սերտորեն համագործակցելով Քուբլայի, Ազգային Գերծունեության Լիգայի և արաբ, հայ, իւրք հայրենասիրական բոլոր կազմակերպությունների հետ։ Սանչաբի կոմունիստների գործունեության հիմքում միշտ ընկած է եղել հետևյալ քաղաքական գիծը՝ Սիրիայի անկախության և առաջադիմության միասնական պայքարի ճակատում համախմբել շրջանի բոլոր հայրենասեր ու հակա-իմպերիալիստական ազգային ու քաղաքական խմբավորումները։ Այդ քաղաքական գիծը կյանքում իրագործվեց հատկապես 1935—1938 թթ. Սիրիայի անկախության և Սանչաբի պաշտպանության պայքարի ընթացքում։ Այդ տարիներին Սիրիայի կոմկուսի Սանչաբի կազմակերպությունը իրավամբ համարվում էր շրջանի ամենակազմակերպված, ամենաժողովրդական և ամենազդեցիկ քաղաքական խմբավորումը։ Նույնիսկ բուրժուական հեղինակ Լոնգրիգը խոստովանում է, որ «կոմունիստական պարտիան... ցույց տվեց իր բարձր կազմակերպվածությունը և պատշաճ կերպով պայքարեց սիրիական դատի համար Ալեքսանդրետում»⁵⁷։

Սանչաբի կոմունիստների հայրենանվեր գործունեության անառնելի ապացույցն է այն, որ զավթելով Սանչաբը, Անկարան առաջին և ամենաուժեղ հարվածը հասցրեց կոմունիստներին, ձերբակալելով բոլոր ակտիվ կոմունիստներին ու փակելով նրանց ակումբը⁵⁸։

Սանչաբի թուրքական ազգաբնակչության շրջանում կային ծայրահեղ քեմալիստների և «պրո-սիրիական ավտոնոմիստների» խմբավորումներ, որոնք կողմնակից էին ավտոնոմ Սանչաբի Սիրիայի կազմի մեջ մնալուն։ Սանչաբի թուրքերի մեծամասնությունը համակիր էր այս վերջին խմբավորման քաղաքական գծին⁵⁹։ Սակայն նա չկարողացավ վճռական դեր կատարել թուրք համայնքի քաղաքական կյանքում, որովհետև նրա ղեկավար վերնախավը վարելով «թալ-ֆայական» (գերդաստանների) նեղ շահերին համապատասխանող իրարամբեր ու երերուն քաղաքականություն, հետևաբար լինելով անկազմակերպ, չկարողացավ իր հետևից տանել շրջանի թուրք մասսային։

Հենց այդ մասսայի շովինիստական զգացմունքների սպեկուլյացիայի վրա էր հիմնված էքստրեմիստների («Հալք-էվի»-ներ—Ժողովրդի տների) խմբավորման ողջ գործունեությունը։ Թուրք էքստրեմիստների գաղտնի կամ կիսալեգալ կազմակերպություններ գոյություն են ունեցել Սանչաբում 1920-ական թվականներից սկսած։ 1930 թ. Անտիոքում գործում էր ֆաշիստական տիպի «Երիտ-սպորտ ակումբը»⁶⁰, որի կադրերը պատրաստվեցին իտալական և գերմանական ազենտների կողմից⁶¹։ 1936 թ. Անտիոքում պաշտոնապես բացվեց «Հալք-էվի», որը դարձավ ժողովրդատական և խառնակիչ աշխատանքի գլխավոր շտաբը Սանչաբում⁶²։ Հալք-էվիներ և «Հաթայի պաշտպանության գաղտնի ընկերության» մասնաճյուղեր բացվեցին Ալեքսանդրետում, Փուսեյրում, Օրդույում, Ամուրում և այլուր⁶³։ «Ժողովրդի պարտիան

⁵⁶ Տե՛ս Սեկտորի արիւիվ, գործ 7։

⁵⁷ Longrigg, op. cit. p. 277.

⁵⁸ Տե՛ս «Ժողովրդի Ձայն», Պեյրուս, 10, 7, 1938։

⁵⁹ Տե՛ս V. V. Desastre, op. cit. p. 48, 67, 101.

⁶⁰ „Genc Spor Klübü“.

⁶¹ Տե՛ս V. V. Desastre, op. cit. p. 49.

⁶² Idem, p. 55.

⁶³ Idem, p. 59.

(Հայր-էվին) 1937—1938 թթ. հանրաքվե-ընտրությունների ժամանակ մանդատային իշխանության կողմից ճանաչվեց որպես Սանջաքի թուրքերի քաղաքական շահերի ներկայացուցիչ⁶⁴։

Ինչպես այսօր Կիպրոսում, Սանջաքի թուրք էքստրեմիստները պահանջում էին շրջանի անջատումը Սիրիայից կամ Սանջաքի ուղղակի կցումը Թուրքիային։ Իրենց նպատակին հասնելու համար նրանք դիմում էին բոլոր տեսակի միջոցների։ Լավ կազմակերպված այս խմբավորման հաջողությանը սատարում էին թե՛ ներքին հանգամանքները, թե՛ արտաքին ֆակտորները, հատկապես՝ Անտոնով ժողովրդա-ոսկարիկականա, սակայն էությունը շուրջիստական ու պանթուրքիստական լողուններով ու ազիտացիայով նրանք նվաճում էին շրջանի թուրք մասսաներին, հատկապես երիտասարդությանը։ Ֆրանսիացիների կողմից չնպաստավորված թուրք սերևիկները նույնպես էքստրեմիստների կողմն էին։ Վերջինս ազմիստացիան (մանդատային իշխանությունը) չէր քաջալերում, գեթ թույլ էր տալիս էքստրեմիստների գրգռել գործունեությունը Սանջաքում⁶⁵։ Ամեն տարի հարյուրավոր թուրքեր Թուրքիայից անարգել անցնում էին Սանջաք գանազան պատրվակներով⁶⁶։ Նրանցից շատերը մնում էին շրջանում և համալրում էքստրեմիստ ազնետների շարքերը։ Դյու-Վեյն գրում է. «Ֆրանսիան ոչ մի պատասխան միջոցի չդիմեց, այլ կոկետություն համարեց ավելի լայնացնել այն ուղին, որը հենց ինքն էր բացել թուրքերի համար»⁶⁷։ Անտիոքի տնի Դյունա թերթը ֆինանսավորվում էր ո՛չ միայն Անկարայի, այլև իտալացիների կողմից։ Թուրք ամենաշովինիստ հեղինակների երկերը, բոլոր թերթերը անսահմանափակ քանակությամբ ստացվում և անարգել տարածվում էին Սանջաքի թուրքերի ու ոչ թուրքերի շրջանում⁶⁸։ Թուրքական ռադիոյի ամենօրյա, ամենամյա հակասիրիական, հակաֆրանսիական, հակահայկական գրգռիչ հաղորդումները անարգել տարածվում ու գիշեր-ցերեկ ունենորվում էին Սանջաքի բոլոր բնակավայրերի հրապարակներում։ Ղրոսավայրերում, սրճարաններում, հավաքույթներում շնորհիվ Սանջաքի էքստրեմիստների ջանքերի։ Իշխանությունները չէին մտածում այդ քայքայիչ ու ազդու զենքի դեմ նույնիսկ որևէ արգելք դնելու մասին։ Թուրքական գրավոր թե՛ բանավոր պրոպագանդայի հիմնական միտքը հետևյալն էր. Սանջաքը թրքական հող է, թուրք բնակչության ճնշող մեծամասնությամբ։ Թուրքերին այնտեղ ճնշում, հալածում են ֆրանսիացիները, արաբները, ...հայերը, հետևաբար թուրքական այդ հողի թուրք արյունակից եղբայրներին պետք է վերադարձնել մայր-հայրենիքի գիրկը»⁶⁹։

Թուրք էքստրեմիստների գործունեությունը Սանջաքում փաստորեն հանդիսանում էր Անկարայի կոպիտ միջամտություն հարևան երկրի ներքին գործերին։ Արդարև, Կովինիստների ներքին քայքայիչ ու սեպարատիստական շարժմանը զուգահեռ, Անկարայի կառավարությունը շարունակ քաղաքական ու տնտեսական պահանջներ էր ներկայացնում Սանջաքի նկատմամբ։ Անկարայի 1921 թ. համաձայնագրից էլ հետո⁷⁰։

Ալեքսանդրեոսի հարցը փաստորեն առաջ քաշվեց 1934 թ. ապրիլի 27-ին, երբ Այնթաքի վալի (նահանգապետը) այցելեց Անտիոք։ Ֆրանսիացիների թողնվածությամբ թուրք էքստրեմիստները հաղթական ընդունելություն կազմակերպեցին պ. Աթաթուրքի էերկայացուցչին»։ Դեմ ցույցերով, Աթաթուրքից պահանջելով «Սանջաքի թուրքերի փրկությունը»⁷¹։ Այդ ցույցերին հետևեցին խառնակություններ, արյունահեղ ընդհարումներ, որոնք պարբերաբար կրկնվեցին մինչև 1935—36 թթ.։ Զուգահեռ կերպով կատարվում էին քաղաքական բուռն ելույթներ ու պահանջներ թուրքական Ազգային ժողովում⁷²։ Ռադիոյով, մամուլում, մինչև 1936 թ. սեպտեմբերը, երբ ֆրանս-սիրիական դաշնագրի ստորագրումից հետո Անկարան գտավ, որ հարմար ժամանակն է միջազգային սեղանի վրա դնելու «Սանջաքի հարցը»։

⁶⁴ Sö'ü Aita, op. cit. p. 53.

⁶⁵ Barbaro, Jean Elie, La Question du Sandjak d'Alexandrette, Alep, 1941, p. 26.

⁶⁶ Sö'ü Hima de h S. B., Economic Organisation of Syria, Beirut, 1936, p. 23.

⁶⁷ Veou, Desastre, op. cit. p. 47.

⁶⁸ Idem.

⁶⁹ Sö'ü „Tan“, Istanbul, 18.9. 1935, նաև 1934—1936 թթ. թուրքական մամուլը։

⁷⁰ Sö'ü Homet M., op. cit. p. 236, Longrigg, op. cit. p. 238.

⁷¹ Sö'ü Veou, Desastre, op. cit. p. 50 և Idem, p. 211.

⁷² Sö'ü Homet M., op. cit. p. 238.

Այդ հարցը միակողմանի և թերի է ուսումնասիրված արևմտահայկանյան պատմագրության մեջ. մեզ մոտ չի հրապարակվել ոչ մի առանձին աշխատություն այդ մասին: Կարծում ենք, որ 1920—30-ական թվականների Սանջաքի զինակի մասին ներկա հաճիրճ ակադրիկ որոշ լուսարանում կտա Սանջաքի պրոբլեմի վերաբերյալ:

А. А. Байрамян

ЮРИДИЧЕСКИЙ СТАТУТ И ПОЛИТИЧЕСКИЕ ГРУППИРОВКИ АЛЕКСАНДРЕТТСКОГО САНДЖАКА (1920—1930)

Р е з ю м е

«Автономный Санджак Александретты» был образован французскими оккупационными властями 27 ноября 1918 г. Основной целью этого политического акта было то, чтобы заранее создать юридические препятствия на пути образования независимой и единой Сирии. Акт образования «Автономного Санджака Александретты» был утвержден франко-турецким договором, подписанным 20 сентября 1921 г. в Анкаре (ст. 7) и получил международную юридическую силу.

В данной статье на основании соответствующих политических и дипломатических актов и сопредельных документов исследуется сущность юридического статута Санджака и показывается протурецкий дискриминационный характер специального режима Санджака. В арабско-сирийском Санджаке, где турки составляли лишь 23% всего населения (по официальным сирийским данным), весь местный государственный аппарат находился в руках турок. Под покровительством представителей французских мандатных властей турецкие чиновники проводили политику по расчленению Сирии, а также попирали права местного большинства (арабов, армян и др.) в области экономического, политического и культурного развития.

Политико-экономические и межнациональные отношения в Санджаке отразились в деятельности и сущности политических группировок области. Автор стремится дать характеристику действующих в Санджаке основных политических группировок (Лига национальной деятельности, Санджакская организация Сирийской компартии, Национальный блок и др.), которые стояли за сохранение единства с Сирией. Открытую сепаратистскую политику вела группировка турецких экстремистов (Халк-эви), которая непосредственно финансировалась и руководствовалась со стороны Анкары. Параллельно деятельности этой группировки, Анкара предъявляла политические и территориальные претензии к Санджаку. Все это привело к тому, что в сентябре 1936 г. в связи с заключением франко-сирийского договора Анкара выдвинула на международную арену вопрос Александреттского Санджака.